

# INUIT ATAQATIGIIT INATSIARTUNI



UKA2023/113  
Nov.-ip 7-at 2023  
Harald Bianco

**Innuttaasut inoqammut ajoqqusiisumik soorlu persuttaallutik aammalu toqutsillutik pinerluuteqartut pineqaatissinneqartarnerisa sivilissusaa ilumut naammattuunersoq pillugu oqallisissiatut siunnersuut.**

(Inatsisartunut Ilaasortaq Bjørk Lange Olsen, Demokraatit)

Siullermik qujanaq saqqummiussissutinut.

Siunnersuuteqartoq ilumoorpoq, nunatsinni pinerluutit ukiumut nalunaarusiarineqartarnerat iluarisimaarfiuneq ajormat, qaffasissutaat qiviaraanni. Tammatullu nunatsinni inissisimaneq ajoraluartumik atuuppoq.

Nunatsinni pineqaatissiisarnerit qiviassagaanni pinerloreersimanagerup kingornagut uteq-qiajuattut ittarput. Allatut oqaatigalugu, pinerliisimasoq ajoraluartumik pineqaatissinneqarnermi kingornagut pinerleeqqittarpoq. Taamaattumik Inuit Ataqatigiinniit isumaqarpugut allatut aamma suliaqartariaqartugut. Pinngitsoorsinnaanngilarput nunatsinni innuttaasugut pinngitsoqarata ajornartorsiummut aaqqiissutaasinnaasunik suleqataa-nissarput.

Immikkut eqqaarusunnarpoq;

Ajornartorsiutip amerlasuutigut qiterisaa paqumerineqartaqisoq, qujanartumillu ullut-sinni eqqartorneqaleriartuinnarpoq, tassalu nunasiaataasimanagerup kingunerluutai, ilaa-tigut ukiut kingulliit paasisat najoqqutaralugit ajorluinnartut sukumiisumik eqqartor-tariaqarpagut.

Nunarsuarput misissuiffigigaanni ajornartorsiutit atukkavut; toqutsinerit, atornerluine-rit, meeqqanik atornerluinerit, annersaanerit assigisaallu assigiittorujussuarmik ilisar-naataapput nunap nunasiaataasimasup kingunerlutaattut. Inuup kinaasusaannut pingaaruteqarluinnartumut kinaassuseerutitsinerit, akisussaaffiigaanerit, naligiinngit-sumik pineqarnerit ilisarnaatit ilagiinnarpaat.

Nuna naqisimaneqarfiunngitsoq tassaasarpog nunap innuttai toqqissisimasut, anner-tunerusumik pinerluuteqarfiunngitsoq. Tamanna nunani arlalinni takussaasarpog.

Pinaveersaartitsineq ingerlalluartaqarparput piffinnut naleqquttumik pitsaasumillu. Tamakkuninngalu suliaqartut peqataaffigalugillu suleqataaffigisariaqarpavut.

Naalakkersuisut Ilisimatusarfik suleqatigalugu isumaqatigiissutaanni nunatsinni pinerluttulerineq pillugu eqqartuussutit, pineqaatissiissutit kiisalu isummat pillugit misissuineq suliarissavaa. Nunatsinni inuttaasut ingammik pineqaatissiisarnermi isummersoqataanissaat ilaatigut uani siunertarineqarpoq. Taamaalilluni innuttaasut siunnersoqataanissaat pisariaqartoq ilaalertussaammat Inuit Ataqatigiinnit nuannaarutigaarput.

# INUIT ATAQATIGIIT INATSIARTUNI



Pineqaatissiisarnep sakkortusinissaa tassa ukiut isertitsivimmiittarnerup amerlinis-saat Naalakkersuisut qallunaat naalakkersuisuinut saaffiginnissutigereernikuuat.

Pineqaatissiisarneq Tough-on-grim tassa anisunngorsaalluni pineqaatissiisarnep ta-kutippaattaq, taamatut periuseqarneq annertunerusumik iluatsiffiusimangitsoq. Tassa eqqarsaatissaqqittut ilagivaat, pineqaatissinneqartoq sakkortuumik iliuuseqar-figineqassava?, imaluunniit pinerluttuliorsimasoq pineqaatissinneqarnerata nalaani pitsaasumik suliniarfigalugu innuttaasunut akuliuteqqikkumaarnissaanut sulineq inger-lanneqassava?

Soorlu aallaqqaataani Inuit Ataqatigiinnit oqaatigigipput, pingaaruteqartoq allatut iliuu-seqarnissaq. Eqqartortariaqarparput pinerliisarnermi suunuku pequtaasartut, tamak-kulu qanoq pinaveersaartinneqarsinnaassappat.

Naggataagut Inuit Ataqatigiinnit pingaartipparput nunatsinni innuttaasut pineqartumut oqalliseqataanissaat, pineqaatissiisarnep inatsisitigut sukatiterfiginnginnerani. Taamaattumik Inuit Ataqatigiinnit qilanaaraarput, Naalakkersuisut Ilisimatusarfik sule-qatilagalugu misissuinerisa aappaagu 2024-imi saqqummiussasaat.

Inuit Ataqatigiinnit taamatut oqaaseqarluta, pitsaasumik isumasarsiffiulluuartumillu oqallittoqassasoq kisaatigaarput qilanaaralugulu.

Qujanaq.